



Synfocity = 808

mail us at : mzsynfo@gmail.com; mizoramsynod@gmail.com - Phone - 2314648

March 25, 2021

□ **Lay Leaders' Training**

March 16 - 21, 2021 chhung khan Synod Multipurpose Training Centre (SMTC) buatsaih Lay Leaders Training vawi 210-na chu tluang taka neih a ni. Tun tum training-ah hian Presbytery panga (5) - Aizawl Bethel, Aizawl Central, Aizawl Chhimthlang, Aizawl East, Aizawl West - I atangin Kohhran Upa 42 koh niin Kohhran Upa 34 an kal tel thei a ni.

March 21 (Pathianni) zan khan training kharna inkhawm neih a ni a, inkhawm hi Programme Director Rev. Lalrinthara'n a kaihruai a, Rev. B. Sangthanga, Executive Secretary-in thuchah sawiin training chhuak te hnenah Certificate a hlan a, Rev. Vanlalzuata, Resource Person-in tawngtaisakna hun hmangin training chhuak te aiawhin Upa F. Vanlalchhuanga'n thutawi a sawi a, Rev. T.C Laltlanzova, Resource Person-in lawmthu a sawi a, NI. Laldusaki, Durtlang hnen atangin fakna hla ngaihtlak a ni bawk. Training hi Rev. B. Sangthanga'n malsawmna-in a khar a ni.

Hetiang hunah hian Kohhran Upate tan Kohhran enkawl dan leh inrelbawl na lam atana pawimawh chi hrang hrangte zirna hun tha tak buatsaih a ni thin a, Kohhran thlarau lam nun enkawl dan tha te zir ho thin a ni bawk. SMTC hi kum 1993 Synod-in din tura a rel angin January 12, 1996 khan din a ni a, a tira a hming chu Christian Multipurpose Training Centre tih niin kum 2001 Synod Inkhawmpui khan a hming hi Synod Multipurpose Training Centre tiin a thlak a ni. Kohhran Upate tana Lay Leadership Training hi kum 1996 atang khan neih tan a ni.

□ **Church Leaders' Intensive Residential Pastoral Care & Counselling Training**

Mizoram Synod, Family Guidance & Counselling Centre (FG&CC)-in Kohhran hruaitute puala March 9, 2021 atanga Synod Conference Centre-a Church Leaders' Intensive Residential Pastoral Care & Counselling Training vawi 32-na a buatsaih chu March 23, 2021 Thawhtanni zan khan 'Final Evaluation & Graduation Service' neih khar a ni. Training kharna inkhawm hi Rev. B. Sangthanga, Executive Secretary i/c FG&CC-in a kaihruai a, Rev. Lalsangbera, FG&CC Director-in inlawmna hun hmangin FG&CC report tlangpui a tarlang. Rev. Dr. C. Lalhlira, Synod Moderator-in training chhuakte hnenah Certificate semin thuchah a sawi a, Counselling training pawimawh zia leh training chhuak ten hlawk taka hman zel turin a chah a. NI. Cindy Lalthanpui'n zaia rawngbawl na hun vawi 2 a nei bawk. He Counselling Training-ah hian Bial 10 atangin Kohhran tin aiawh mi 19 an tel a ni. Training kharna inkhawmah hian Training chhuakte chuan an hlawkpui dan a lema an zia chu entirin an hrilhfiah a, Upa Lalmalsawma, Chawnpui chuan training chhuakte aiawhin thu a sawi a. Rev. J. Lalremsiam, Com. Member, FG&CC chuan Training chhuakte a tawngtaisak a, Rev. P.C. Pachhunga'n malsawmnain a tin a ni.

FG&CC hian Pastoral Care & Counselling Training hi Pastor-te pualin vawi 28 buatsaih tawhin, Pastor 479 training a neihpui tawh a. Church Leader-te puala kum 2002 atang khan training vawi 32 neih tawhah Kohhran hruaitu 618 Training pek an ni tawh bawk a ni.

Synod hian Counselling Centre pakua (9) - Mission Veng, Bawngkawn, Vaivakawn, Champhai, Serchhip, Kolasib, Lunglei leh Mamit, Khawzawl- ah te a nei a. Heng Counselling Centre-ah hian March 8, 2021 thlenga pantu (Client) an neih tawh zat chu mi 34,824 an ni a, kumin bikah mi 1,089 an nei tawh a ni.

□ **Tumkau Ni**

March 28, 2021 (Pathianni) hi Tumkau Ni a ni a, kum dangah chuan zingkarah naupangten Lal Isua fak leh chawimawiin Tumkau kengin kawng an zawh thin a, kuminah erawhchuan Hripui leng avangin kum dang anga hman a remchang rih lo a ni.

Kum 1998 Synod chuan Tumkau ni hi Nilai leh Beihruah Thupui Bu-a tihlan thin turin a rel a. Chu thu chu bawhzuiin SEC chuan Sunday School tibuai lova inkhawm tum khat buatsaih thin turin a ti a. Kum 2007 atang erawhchuan inkhawm tum hnih buatsaih thin a ni ta a ni.

Chawhnu leh Zan inkhawma zir tur thupui in ang tlang Synod chuan hetieng hian ruahmanna a siam.

Chawhnu inkhawm - Thupui : Isua chu lal a ni.

Zan inkhawm - Thupui : Lal Isua Jerusalem-ah lal angin a lut.

- ☐ **Synod Mission Board leh ram pawn chet velna**

 - ◆ **Home Mission South**
 March 18, 2021 (Ningani) atang khan Chakma zingah beihpui thlak a ni a, chumi kal zelah March 21 (Pathianni) khan ringthar 9 Lal Isua zui turin an inpe.
 - ◆ **Jharkhand Mission Field**
 March 21, 2021 (Pathianni) khan Field chhung hmun hrang hrangah ringthar 20 Lal Isua zui turin an inpe.
 - ◆ **Assam Mission Field**
 March 21, 2021 (Pathianni) khan ringthar 8 Lal Isua zui turin an inpe.
 - ◆ **Arunachal & Assam Mission Field (West)**
 March 21, 2021 (Pathianni) khan field chhung pahnihah ringthar 3 Lal Isua zui turin an inpe.
 - ◆ **Arunachal & Assam Mission Field (East)**
 March 21, 2021 (Pathianni) khan ringthar 7 Lal Isua zui turin an inpe.
 - ◆ **Home Mission North**
 March 21, 2021 (Pathianni) khan New Sachan Branch Church (Marpara North Bial)-ah ringthar 5 Lal Isua zui turin an inpe.
 - ◆ **Odisha Mission Field**
 March 21, 2021 (Pathianni) khan ringthar 29 Lal Isua zui turin an inpe.
- ☐ **Synod Revival Speaker-te tan Residential Retreat**
 March 24 - 27, 2021 chhung hian Synod Conference Centre-ah Synod Revival Speaker-te pualin Residential retreat neih a ni a, thupui chu "Revival leh Rawngbawlina" tih a ni.
 Retreat hi March 24 (Nilaini) zanah tan niin Retreat hawnna neih a ni a, Senior Executive Secretary Rev. Lianhmingthanga Sailo-in a kaihruai a, Rev. K. Rolungmuana, Revival Director-in thupuanhna hun hmangin Synod Moderator Rev. Dr. C. Lalhlira'n Keynote Address a sawi.
 Retreat-ah hian thupui pawimawh tak tak - Mipat Hmeichhiatna chungchang te, Kohhran leh Tunlaina tih te, Kohhran leh rawngbawltute humhalh tih te, Piantharna tih te leh thupui pawimawh tak tak zirho a ni a, heng thupui hrang hrang te hi mi thiam hrang hrangin an zirtir thin a ni.
 Retreat hi March 27 (Inrinni) zingah kharna inkhawm tawi neih a ni ang a, Synod Secretary Upa Lalrinmuana'n hun a hmang ang.
- ☐ **Presbyterian English School (PES)**
 March 15, 2021 (Thawhtanni) Chanchin Tha Thlen Ni khan Rev. K. Lalrinmawia Synod Executive Secretary i/c Education leh Pu P.C. Vanlalhruaia Supervisor of Schools (PES) te chuan Seling PES, Tlangnuam (Thingsul- Tlangnuam) PES, Thingsulthliah PES, Tlungvel PES, Khumtung PES leh Baktawng PES te tlawhin Management Board member-te leh Principal leh Staff-te nen inkawmhona hun tha tak an hmang a. Infuihtharna hun te neiin Rev. K. Lalrinmawia chuan Mizorama Education System kalpui dan a tobul atanga sawiin kum 1898 atanga Mission leh Kohhranin zirna a ken chhoh dan leh chumi hnua Sawrkarin a kalpui dan te a sawi a. PES-a thawktute inpek fakawm a tih thu te sawiin, Mizorama zirna kan kalpui mekah hian ram leh hnam tan leh Kohhran tana mi rin tlak chher chhuak turin PES-a a hmalatu, a enkawltu Board leh nitin hun puma thawk zirtirtute theih tawp chhuah zel turin a sawm.
- ☐ **Synfo**
 March 16, 2021 (Thawhlejni) khan Coordinator Dr. Robert S. Halliday chuan Synfo Coordinator thar Pu Lalchhungliana hnenah charge a hlan.

- ☐ **Synod Relief Fund**
 Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Ramhlun North	Damlo	1	Rs. 8,000/-
2.	Kanan	Damlo	1	Rs. 8,000/-
3.	Vairengte Chhim Veng	Dawr kang	3	Rs. 24,000/-
4.	Maubawk	In kang (In neitu)	9	Rs. 90,000/-
		(In luahtu)	12	Rs. 96,000/-
			TOTAL	Rs. 2,26,000/-

☐ **Lunglei Masihi Sangati Gospel Team-te rawngbawlna**

- ♦ March ni 3 - 6 chhung khan Thiltlang Kohhran (Hnahthial Bial) behchhanin kawng siam hna thawktute zingah rawngbawlna an nei a, hetah hian hnam hrang hrang aţangin ringthar 58 Lal Isua zui turin an inpe.
- ♦ March ni 6 - 7 khan Lunglei Chanmari Masihi Sangati-te bul tumin Chanmari, Lunglei huam chhunga ringlote hnenah rawngbawlna neih a ni a, ringthar 6 Lal Isua zui turin an inpe.
- ♦ March 9 - 12 chhung khan Hnahthial-ah rawngbawlna neih a ni a, Maharastra lam mi 15 leh Chakma hnam 35 Lal Isua zui turin an inpe.
- ♦ Zawlpui Bial-ah Outreach neih a ni

Chhim Working Committee-in a lo rel tawh angin kum 2021 chhunga Chakma te zinga beihpuithlak Programme bawhzuina at n Zawlpui Bial chhunga thawktute - Evangelist Teacher, Evangelist leh thawktu dang te chuan Bialtu Pastor, Rev. Lalthanliana hovin March ni 2 - 4 chhung khan New Vuakmual-ah ni 3 leh zan 3 hun hmangin Outreach Programme an nei a. He hunah hian Compound ngh k tura tihte leh nu nau pawmlai tih loh chu Zawlpui Bial huam chhunga thawktute zawng zawng chu an kal kim vek thei a ni. He Outreach Programme-ah hian zing, chhun leh tlaiah te Group hrang hranga insiamin kan Kohhran in leh ringlo inah te l ngin Chanchin  ha hrilhna hun an hmang a. Zanriah ei khamah Biak In kawtah Projector nena Film chhuah pahin Speaker-te'n Pathian thuchah an sawi baw  thin. Pathianin an rawngbawlna mal a sawm a, a tawp zan inkhawmah ringthar 6 Lal Isua zui turin an inpe a, Kohhran dang Chakma Baptist Church (CBC) aţangin mi 1 kan kohhranah lawmluh a ni baw .

Chakma zinga kum 2021 chhunga beihpui thlak hi Chhim Working Committee-in a lo rel tawh a ni a. Hei hi Chhim Bial pumpuia Bial hrang hranga Chakma rawngbawlna hmuna awmte chuan hma an la chho mek a. Bungtlang South Bial pawhin Pu Maya Ranjan, Evangelist, Ulusury ami chu Speaker atana ruaiin Street Preaching leh Gospel Camping an buatsaih mek a, Damdep Bial pawhin Chakma beihpui hi neih tumin an inpuahchah mek baw  a ni.

☐ **Sunna : Rev. R.C. Lawmthanga, kum 88**

Rev. R.C. Lawmthanga, kum 88 chu Stroke avangin March 19, 2021 zan dar 9:40 khan a thi a, March 20, 2021 (Inrinni) khan Rev. R. Lalchangliana, Mizoram Synod Moderator kalchhuakin Mission Veng Kohhran Biak Inah a vui.

Rev. R.C. Lawmthanga hi May 14, 1933 khan Pu Khena (Ralte Siakeng) leh Pi Sapzikpuii te inkarah Darlawn khuaah a lo piang a, Unau panga an ni. Kum 1968-ah Pi Lalthlengliani nen an innei a, kum 6 emaw chauh an inneih hnu October 14, 1974 khan a nupui Pi Lalthlengliani chuan a boralsan a. October 2, 1985 khan Pi Lalchhingpuii nen Mission Veng Biak In-ah inneiin fa pahnih, tu 3 leh tuchhuan 1 an nei a ni.

Kum 1946-ah Ratu Centre aţangin pawl 3 a pass a, Zoram pumah pahnihna a ni nghe nghe. Pawl 6-ah pawh Zoram pumah a ti  ha sawm zingah a tel ve phak a ni. Pherzawl High School-ah zir zawmin pawl 8 a pass a ni.

Kum 1952-ah Sesawng Primary Skul-ah zirtirtu hna a thaw  a, Sesawng-a a awm lai hian Biak In-a hla an sak laiin Pathian kohna a dawng a. Kum 1955-ah zirtirtu train tura thlan a ni a. A training lai hian Pathian kohna a dawng leh a, a zawm loh chuan a taksain tuar dawnin a hre ta tlat mai a, a train hnu reilo te-ah zirtirtu hna chu bansanin Pathian thu zir a tum ta a, March ni 6, 1956-ah Cherra Theological College-ah a zawm a, kum 1959 March thlaah L.Th chu Second Division-ah a pass ve ta a ni. Cherra Theological College-a Pathian thu a zir chhung hian Matric a zir nghal a,  ha takin a pass baw .

Kum 1959-ah Bukpui Bialah Pro.Pastor hna a thaw  a, kum 1961 Synod Inkhawmpui chuan Pastor a tan a nemnghet a ni. Pastor hna a thawh chhung hian Bial hrang hrangah te, ATC leh Civil Hospital leh TB Hospital-ah te Chaplain-in alo awm tawh a ni. Rawng a baw  chhung hian Nupa tuak 534 inneih tirin Baptisma 1876 a chantir baw . Kum 1994 khan Pension-in a chhuak a ni.

Rev. R.C. Lawmthanga hi February 2021 khan herhsawpa  tu-in ni lum a ai a, a lo muthlu chu a tlu ta a, hetia a tluk aţang hian a chaw ei a tui lo tial tial a, chumi hnu rei vak lo-ah Bathroom-ah alo tlu leh a, damdawi Inah hruai niin Stroke te nau a nei tih hmuh chhuah a ni a, In lamah inenkawl turin a chhuak leh a,  that lam a pan zel dawn emaw tih laiin, thil te ei thei lovin a chau zual zel mai a, March 18-ah Damdawi In-ah lut lehin, March 19 zan dar 9:40 khan a rawngbaw  sak Lalpa hnenah a chawl ta a ni.

- ❑ **Hruaina Eng FM Radio :**
MARCH 26, 2021 (FM Zoawi - Aizawl & Lunglei @ 7:30 p.m.):
Solo : Vanlalsailova - Min zui rawh
Zaipawl : Saiha Presbytery Bial Zaipawl - I hniakhnung ka zui nang e
Thusawi : Upa K. Vanlalzuata- Lal Isua zui
Solo : K. Vanlallawmi - Min tawngtai tir rawh
Zaipawl : Bungkawm Bial Zaipawl - Isua zuiin
- ❑ **Susamachar Prasaran Programme :**
MARCH 28, 2021 (Pathianni) 5:00 pm. :
Group/Choir/Solo : Champhai Bethel Pastor Bial - Jab Jab Dekho
Group/Choir/Solo : LH Hindi School - Yesu MASIH
Sermon : Rev. P.C Rohlira - Uth Prakash Maan Ho
Group/Choir/Solo : P.C Lianhmingthanga - Ye Dharti
Group/Choir/Solo : Chawnpui Kohhran - Thandi Howe
- ❑ **Moderator leh Executive Secretary-te Programme:**
Rev. Dr. C. Lalhlira : Moderator
 March 27 & 28, 2021 Champhai Kanan Bial
 March 29 & 30, 2021 Champhai Kahrawt Bial
 April 1, 2021 Finance Managing committee meeting
 April 1, 2021 (Zan) Sihphir Kohhran
 April 3 - 8, 2021 Tripura Mission Field
- Rev. Lianhmingthanga Sailo : Senior Executive Secretary**
 April 1, 2021 Finance Managing Committee meeting
 April 1, 2021 (Zan) Beraw Lui kohhran, Airfield Vengthar Bial
- Rev. B. Sangthanga : Executive Secretary**
 March 29, 2021 Campus Ministry Programme
 March 30 & 31, 2021 John Williams Hospital committee meeting, Lunglei
 April 1, 2021 Finance Managing committee meeting
 April 1, 2021 (Zan) Bawngkawm North Kohhran
- Rev. K. Lalrinmawia : Executive Secretary**
 March 29, 2021 Music Celll committee meeting
 April 1, 2021 Finance Managing committee meeting
 April 1, 2021 (Zan) Muthi Kohhran

ADVERTISEMENT

Mizoram Christian College (MCC) Main Building Tanhril-ah sak tur a ni a. Plan & Estimate siamtu tur mamawh a ni. A duh apiangin a hnuai a mi ang hian an chanchin Synod Office, Trust Department-ah Office hun chhungin ni 15.4.2021 thleng thehluh theih a ni. Plan & Estimate siamtu tur chu Synod Trust Committee-in a thlang ang.

- | | |
|--|-----------------------------|
| 1. Firm hming leh Address | 2. Din tan ni |
| 3. Hnathawh tawh (Works Experience) | 4. Thawktu neih dan/dinhmun |
| 5. Sawrkar-a registration certificate (Xerox copy) | |

Sd/-, Rev. Lianhmingthanga Sailo
 Senior Executive Secretary
 i/c Synod Trust